



COMUNU DE MARACALAGONIS

TZITADI METROPOLITANA DE CASTEDDU

SETORI : **Polìticas Sotzialis**
Responsàbili: **dot.ssa Podda Ignazia**

ORDINANZA N. 1269
in sa dii 16/11/2020

OGETU:

MANIFESTADA DE INTERESSAMENTU, DE ACIUNGI A IS CUNVENTZIONIS CHI DDOI FUNT GIAI, PO SA APARICIADURA DE CUNVENTZIONIS NOAS CUN IS C.A.F., PO SA GESTIONI DE IS ATIVIDADIS ALLIONGIADAS A SA FRUNIDURA DE SU "BONUS SOTZIALI ELÈTRICU-ÌDRICU - BONUS GAS E PO SA GESTIONI DE IS PEDIDURAS DE S'ASSIGNU PO SU NÙCLEU FAMILIARI CUN A SU MANCU TRES FILLUS MINORIS E DE S'ASSIGNU DE MATERNIDADI SPRATZINAUS DE S'INPS - ANNU 2021.

SU RESPONSÀBILI DE SU PROCEDIMENTU

averiguau chi no ddoi funt apitzu suu acontèssius de cunflitu de interessus cun is arricidoris de su provedimentu, cunforma a s'art. 6 bis de sa lei 241/90, ponit asuta de s'aprovatzioni de su Responsàbili de su Setori Políticas Sotzialis custa propònnida de determinatzioni chi sighit , cunfrimendi sa regularidadi de su procedimentu e chi custu e totu est stètiu cumpriu arrespetendi sa disciplina normativa vigenti;

DONAU ÀUTU chi s'istrutòria est stètia entregada a s'Istrutori amministrativu contàbili Luana Urru;

TORRAU A ARREGORDAI su Decretu de su Sìndigu n. 11 de su 30/10/2020, aundi sa responsabilitadi de su Setori Políticas Sotzialis est stètia donada a sa Dr.ssa Ignazia Podda;

DONAU ÀUTU chi cunforma a cussu cumandau in is artt. 4 e 5 de sa L. n. 241/90 e ss.mm.ii. est stètiu arreconnotu cumentu Responsàbili de su Procedimentu sa Dot.ssa Ignazia Podda Responsàbili de su Servìtziu;

ARREGORDADAS:

- Sa Deliberatzioni de su Cunsillu Comunali n. 72 de su 27/12/2019, chi at aprovau, cunforma a s'art. 170 de su D. Lgs. n. 267/2000, su Documentu Ùnicu de Programatzioni (DUP) po su triènniu 2020/2022;
- Sa Deliberatzioni de Giunta Comunali n. 99 de su 14 de Cabudanni 2020, aundi ant aprovau su Pianu Esecutivu e Gestioni (PEG) 2020/2022, su Pianu Ditallau de is Tareas e Pianu de sa Performance annualidadi 2020;
- Sa Deliberatzioni de sa Giunta Comunali n. 51 de su 15/05/2020 de mudàntzia de is artìculus 7 e 8 de su Regulamentu apitzus de s'Ordinamentu de is Ufitzius e de is Servìtzius (Strutura e Organizatzioni frunidura orgànica) e de s'alliongiu All.B) Sistema de Medida e Valutatzioni de is Performance;
- Sa Deliberatzioni de sa Giunta Comunali n. 52 de su 15/05/2020 chi tenit cumentu ogetu; "Riorganizatzioni strutura organizzadora de s'Enti" chi at aprovau s'organigrama e su Funtzionigrama de s'Enti e de is calis bessit aforas chi s'Enti est spratziu in 6 SETORIS intre is calis SU DE DUUS SETORI de is Políticas Sotzialis;

BIUS

- s'art. 65 de sa lei 23 de mes'e idas 1998, n. 448 chi at fichiu s'interbènnida de apoderamentu tzerriau assignu a is nùcleus familliaris cun a su mancu tres fillus minoris, po is famillias chi tenint pagu asienda e pagu dinai;
- s'art. 66 de cussa lei e totu n. 448/98 chi at imbordigau s'assignu de maternidadi, disciplinau imoi de su D.P.C.M. 21 de mes'e idas 2000 n. 452 e de s'art. 74 de su D. Lgs. 151/2001;
- s'art. 3 , segundu comma, D.P.C.M. 18 de maju 2001, po cussu chi pertocat a sa sceda de is Comunas de cuncordai cullaboratzionis, atruessu de cunventzionis, cun Centrus de agiudu fiscali, cun sa tarea de donai agiudu a sa tzitadinàntzia;

BIUS

- Su Decretu de su Ministeru de s'Adelantamentu Econòmicu de su 28/12/2007 chi narat "Determinatzioni de is allegas po sa definitzioni de is cumpensatzionis de su gastu tentu po sa frunidura de energia elètrica po is borrochianus chi tentis strobis de dinai e po is borrochianus chi sunfrint calincuna maladia lègia", in manera particolari s'art. 4 de su D.M. numenau, chi donat sa gestioni de sa amitidura de sa cumpensatzioni de su gastu po sa frunidura de energia elètrica a is Comunas de bivèntzia;
- su decretu Lei 29/11/2008 n. 185 furriau in Lei cun mudàntzias de s'art. 1 de sa L.

- 28/01/2009, n. 2 chi at amanniau a sa frunidura de gas naturali su deretu a sa cumpensatzioni de su gastu, imperendi su bonus gas;
- is Deliberatzionis faidoras ARG/elt 117/08 e ARG/gas 88/09 e is mudàntzias e aciunturas sighidoras de sa Autoridadi po s'Energia Elètrica e su Gas, chi imparis ant donau is maneras faidoras po s'arreconnoscimentu de su Bonus Elètricu e Gas a is borrochianus domèsticus sbantaxaus;
 - su D.P.C.M. 13/10/2016 art. 3, comma 1 (Utèntzias sbantaxadas e Bonus H2O);
 - sa Deliberatzioni 21/12/2017, 897/2017/R/IDR aici cumentu mudada e integrada cun sa deliberatzioni 05/04/2018, 227/2018/R/IDR chi aprovat is maneras faidoras de su Bonus Sotzialu Ìdricu po sa frunidura de àcua a is impreadoris de domu disagiaus.

BIU s'art. 36 de su D. Lgs. 50/2016 "Còdixi de is arrendus" e ss.mm.ii.;

CUNSIDERAU :

- chi sa frunidura de prestatzionis sotzialis allebias est allongiada a sa entrega de s'atestatzioni ISE (Inditadori de sa situatzioni econòmica) e ISEE (Inditadori de sa situatzioni econòmica echivalenti) prevìdu de su decretu legisladori 31 de martzu 1998, n. 109 e mudàntzias e aciunturas sighidoras;
- chi cunforma de s'art. 4 comma tres D. Lgs. 31 de martzu 1998 n. 109 e mudàntzias e aciunturas sighidoras, sa Decraratzioni Arremprasadora Ùnica bandat entregada a is Comunas o a is Tzentrus de Agiudu Fiscali prevìdius de su D. Lgs. 9 de mes'e argiolas 1997 n. 241 e mudàntzias e aciunturas sighidoras, o deretu bia a sa Aministratzioni pùblica aundi est pedia sa prima prestatzioni o a sa sedi INPS cumpetenti po territòriu--;
- is pediduras de intrada a is bonus elètricus, ìdricu e gas podint èssiri entregadas impari a su Comunu de residèntzia insoru atruessu de s'impreu de sa piatafurma SGATE (Sistema de Gestioni Agiudus Tarifas Energèticas) spratzinada de ANCI;
- po mori de su Protocolu de Acòrdiu firmau de s'ANCI cun sa Consulta Natzionali de is CAF, is Comunas podint gosai de sa cullaboratzioni de is CAF po sa gestioni de is pediduras Bonus Elètricu po amanniai puru sa gestioni de su Bonus Ìdricu Sotzialu;
- chi is Comunas, cunforma a s'art. 3 coma segundu D.P.C.M. 18.05.2001 e de s'art. 18 su de cuàturu comma D.M. 21.12.2000 n. 452 e mudàntzias e aciunturas sighidoras, cun sa tarea de donai a su pedidori s'agiudu chi serbit po sa prenadura currìgia de sa decraratzioni arremprasadora, podint apariciari is cunventzionis cun is centrus de agiudu fiscali;

RILEVAU CHI su INPS, po sa frunidura de su sistema informàticu ISEE, at apariciu una cunventzioni cun is Tzentrus de agiudu fiscali po afillai a custus sa arricidura de is decraratzionis arremprasadoras, s'imbiu telemàtica sa banca datus de s'INPS de is datus arricius cun is decraratzionis arremprasadoras, sa entrega a s'impreadori de s'atestatzioni chi portat su cuntènniu de sa decraratzioni e su càrculu de s'ISE (Inditadori de sa Situatzioni Econòmica) e de s'ISEE (Inditadori de sa Situatzion Econòmica Echivalenti);

AVERIGUAU CHI su Comunu de Maracalagonis at apariciu giai, po su triènniu 2019-2021, cun scadèssida a su 31/12/2021, custas cunventzionis;

- 1) CENTRO SERVIZIO UIL SRL, chi ddoi est imoi in is territòrius de Casteddu, Quartu Sant'Aleni, Partiolla e Assèmini, po sa gestioni de is atividadis allongiadas a sa frunidura de is Bonus elètricu e ìdricu e po sa gestioni de is atividadis allongiadas a sa spratzinadura de is assignus de maternidadi e de is assignus po su nùcleu famillari cunforma a is artt. 65 e 66 de sa Lei 448/1998;
- 2) CAF CISL (chi imoi ddoi est me is sedis de Sinnia e Casteddu) po sa gestioni de is atividadis allongiadas a sa spratzinadura de is assignus de maternidadi e de is assignus po

su nùcleu familliaru cunforma a is artt. 65 e 66 de sa Lei 446/1998;

AVERIGUAU CHI sa sedi prus apresiada a Maracalagonis, cussa de su CAF CENTRO SERVIZI UIL srl, chi ddoi est in su Comunu de SINNIA, a su cumintzu previdia de sa cunventzioni, no est traballendi prus;

CUNSIDERAU chi, imoi, no bessit chi ddoi funt CAF cunventzionaus aintru de su Comunu de Maracalagonis;

CUNSIDERAU PROFETOSU chi, intzaras, cun sa tarea de assegurai unu servìtziu cantu prus possìbili apresiau a su tzitadinu, de depi amanniai sa presèntzia in su territòriu de CAF cunventzionaus chi portant custus requisitus:

1. èssiri autorizaus de manera regulari po fai s'atividadis de agiudu fiscali cun autorizazioni apòsita de s'Agèntzia de is intradas;
2. èssiri iscritus regularmenti a s'Albu de is CAF e èssiri autrizaus regularmenti a fai is atividades e agiudu fiscali;
3. èssiri cunventzionaus cun s'INPS po arriciri is decraratzionis arremprasadoras, sa trasmitidura telemàtica a sa banca datus de s'Inps de is datus arricius de is decraratzionis arremprasadoras, s'entrega a s'impreadori de s'atestatzioni chi tenit su cuntènniu de sa decraratzioni e su càrculu de s'ISEE (Inditadori de sa Situatzioni Econòmica) e de s'ISEE (Inditadori de sa Situatzioni Econòmica Echivalenti);
4. èssiri autorizaus regularmenti in sa gesioni intrea chi pertocat a sa cuncession de s'assignu a is nùcleus familliaris cun a su mancu tres fillus minoris e de s'assignu de maternidadi (lei n. 448/98) cunforma a s'acòrdiu firmau intre s'ANCI e sa Consulta Natzionali de su CAF;
5. èssiri autorizaus regularmenti a sa gestioni intrea de is pràticas de Bonus Elètricu/Ìdricu/Gas, cunforma a s'acòrdiu firmau intre s'ANCI e sa Consulta Natzionali de su CAF;
6. no depit tenni niscuna de is cunditzionis de s'art. 80 de su D. Lgs. 50/2016 e ss.mm.ii. e de calisiat arrexoni de arrescidura po apariciari cuntratus cun sa amministratzioni pùblica.

CUNSIDERAU intzaras archedi depiri sighiri ainnantis cun sa apariciadura de cunventzionis noas cun is CAF interessaus, po sa gestioni:

- 1) de manera **a indonu** po su servìtziu de agiudu e cumpridura de sa dimanda po is "Assignus nùcleu familliaru po tres fillus minoris" e de sa dimanda de s' "assignu de maternidadi", chene niscunu dèpiri in prus a pitzu de su Comunu de Maracalagonis e de is pedidoris de cussus traballus;
- 2) **Cun cumpensu** de € 3,00 + IVA a su 22% po dònna pràtica de pedidura de agiudus Gas-Bonus sotzialis Elètricu e Ìdricu imbiada a SGATE (**chena dèpiris aciungidoris a pitzu de is tzitadinus**);

CUNSIDERAU de depi sighiri a innantis cun sa publicatzioni de unu avisu nou po is CAF interessaus a amostai sa disponibilitadi cosa insoru a apariciari sa cunventzioni apòsita cun s'Enti po su tempus chi cumintzat de sa apariciadura de sa cunventzioni e finsas a su 31/12/2021, imperendi sa dimanda apòsita de **manifestada de ineressamentu** de imbiai a sa PEC protocollo@pec.comune.maracalagonis.ca.it, aintru e no a pustis de sa dii **31/12/2020**;

CUNSIDERAU CHI, cun is requisitus previdius, s'at a fai su cunventzionamentu aintru de 15 diis de sa scadèssida de sa presentada de is dimandas,

PENSAU, intzaras, de depi sighiri a innantis cun sa aprovatzioni de su schema de avisu pùblicu,

cumenti puru de is schemas de cunventzioni e de dimanda;

DONAU ÀUTU chi s'istrutòria chi pertocat a s'arricidura de custu àutu s'est acabada de manera profetosa e cunsiderau de podi cunfrimari sa regularidadi e sa curregidura de su stremu amministrativu, cunforma e po is cunsequènzias de cussu chi cumandat s'art. 147 bis de su D. Lgs. n. 267/2000;

BIUS

- su D. Lgs. n. 267/2000;
- su D. Lgs. n. 165/2001;
- su statutu comunali;
- su regulamentu comunali apitzus de s'ordinamentu generali de is ufizius e de is servìtzius;
- su regulamentu comunali de contabilitadi;

PROPONIT A SU RESPONSÀBILI DE SU SETORI

DE ARRICIRI is premissas amostadas innoi asuba cumenti parti de fundòriu e arresoni crara po s'arricidura de custu provedimentu;

DE AVERIGUAI, cun sa tarea de su scrucullu prebennidori de regularidadi amministrativa - contàbili de sart. 147 bs, comma 1, de su D. Lgs., n. 267/2000, sa regularidadi tènnica de custu provedimentu po cussu chi pertocat a sa regularidadi, a sa legitimidadi e curregidura de su stremu amministrativu, su cali parri favoràbili est donau impari cun sa firma de custu provedimentu po parti de su Responsàbili de su Setori;

DE DONAI SU CUMINTZU, po is arresonis amostadas in sa premissa, a una manifestada de interessamentu po atras cullaboratzionis cun is CAF, a disposidura po cumpriri is servìtzius de informatzioni, cumpridura, imprenta, trasmitidura telemàtica, chi pertocant a is pediduras de "Bonus sotziali elètricu-ìdricu e Bonus maternidadi" (a indonu);

DE APROVAI su schema de s'avisu pùblicu po su cunventzionamentu cun is Tzentrus de Agiudu Fiscali po sa gestioni de is Bonus sotziali elètricu-ìdricu e Bonus Gas", e po sa gestioni de is dimandas de "Assignus nùcleu famillari po tres fillus minoris! e "Assignu de maternidadi" po su tempus 2021, cumenti puru is schemas de cunventzioni e de istantza;

DE DONAI ÀUTU chi custa determinatzioni no ocasionat nisciunu gastu e intzaras, no essendi arrechedi su bistu de regularidadi contàbili chi amostat sa coberridura finantziària, no benit imbiada a su Responsàbili de su Setori Econòmicu-Finantziàriu, Servìtzius Demogràficus e Risorsas Umanas;

DE DONAI ÀUTU chi custa determinatzioni:

- bandat fichia in su registru generali de is determinatzionis, chi est in su Setori Amministratzioni Generali e Istruzioni Pùblica;
- benit imbiada a s'Albu Pretòriu on Line cun sa tarea de sa publicidadi e sa trasparèntzia;

DE PONNI A DISPOSIDURA custu e totu inmanera digitali cun sa fichidura aintru de su Server de s'Enti cunforma a s'art. 53 de su Regulamentu apitzus de s'Ordinamentu de is ufizius e de is servtzius aprovau cun deliberatzioni de sa Giunta Comunali n. 54 de su 22/05/2019.

DE PUBLICAI s'avisu e is alliongiaus giai numenaus in s'Albu Pretòriu on line de s'Enti e a su pròpiu tempus su testu imbordigau publichendiddu in su giassu istituzionali de s'Enti e in sa

Setzioni “*Amministrazione Trasparente*” cunforma a su D. Lgs. 33/2013.

Alliongiaus:

All. A) - Avisu Pùblicu

All. B) - Cunventzioni

All. C) - Dimanda Manifestada de interessamentu

S'Istrutori Aministrativu Contàbili

Dot.ssa Luana Urru

Su Responsàbili de su Procedimentu

Dot.ssa Ignazia Podda

SU RESPONSÀBILI DE SU SETORI

SCRUCULLAU su documentu istrutòriu innoi asuba apariciau po parti de su Responsàbili de su procedimentu;

ARREGORDADA sa normativa vigenti a pitzu de custa allega;

DONAU ÀUTU de s'arresultau de sa averiguadura prebennidora de regularidadi aministrativa fata de su sutascritu

DETÈRMINAT

DE APROVAI sa propònnida de determinatzioni innoi asuba fendi cosa sua arresonis e dispositivu, chi innoi funt scoviaus e scritus po intreu.

DE DECRARAI s'insussistèntzia a pitzu suu de ipòtesis de cunflitu de interessus cunforma a s'art. 6 bis de sa lei 241/90.

DE ASSEGURAI sa regularidadi tènnica, donendi àutu de sa currigidura de su traballu aministrativu, cunforma e po is conseguèntzias de cussu chi cumandat s'art. 147 bis de su D. Lgs. 267/2000.

Su Responsàbili de su Setori

Dot.ssa Ignazia Podda

Firmau de manera digitali cunforma a s'art. 24 de su D. Lgs. 82/2005.